

- **Tollflokkun kartöfluréttanna**

Úrskurður nr. 16/1997.

Í máli þessu kærði innflytjandinn X ehf. tollflokkun fjögurra gerða af kartöfluréttum. Samsetning varanna var þannig að lauk var blandað saman við kartöflurnar. Í ljósi þess taldi innflytjandinn að tollflokka ætti vörurnar sem matjurta-blöndur. Ríkistollanefnd féllst ekki á kröfu innflytjandans, þar sem kartöflur voru ríkjandi þáttur í samsetningu kartöfluréttanna og einkenndu þær mest.

Með bréfi, dags. 21. október 1997, kærir X ehf., bindandi álit um tollflokkun nr. 9700198 og 9700205 frá 1. og 3. október 1997 frá tollstjóra. Kæran varðar fyrirspurn félagsins um bindandi tollflokkun á fjórum gerðum kartöfluréttanna. Í kærinni segir svo: „Um er að ræða Y, 3 gerðir og M, en allar þessar vörur samanstanda af þurrkuðum kartöfluflögum/strimlum og þurrkuðum lauk (Einnig hvítlauk í sumum tilfellum) ásamt öðrum efnum. Við teljum eðlilegt að allar þessar vörur flokkist í tollflokk 2005-9009, aðrar matjurta-blöndur.“

Meðfylgjandi þessari kæru er svarbréf frá framleiðanda vörunnar, A varðandi fyrirspurn kæranda um laukinnihald M. Ríkistollanefnd sendi ríkistollstjóra ljósrít af kærinni. Í kröfugerð ríkistollstjóra segir svo m.a.: „Kærð er flokkun kartöfluréttanna í tollskrárnúmer 2005.2002. Kærandi telur að flokka beri þá í tollskrárnúmer 2005.2009, (á að vera 2005-9009) sem blandaðar matjurtir, vegna íblöndunar á þurrkuðum lauk. Einnig vísar innflytjandi í bréf frá framleiðanda, þar sem staðfestar eru áður uppgæfnar upplýsingar utan á þökkunum. Ástæða er til að benda á að með því bréfi er í engu bætt við fyrirbyggjandi upplýsingar. Hér er um að ræða þurrkaðar kartöflur frá A. Eru þær ýmist sneiddar í skífur eða skornar í strimla, tilbúnar til matreiðslu skv. því sem fram kemur á umbúðum. Með kartöflunum er lítils háttar af þurrkuðum lauk, hvítlauk, osti og kryddi eftir tegundum, einungis til bragðauka. Kartöflur eru það sem einkennir þessar vörur fyrst og fremst. Með vísan til almennra reglna 2b og 3b, sbr. 6 um túlkun tollskrár og þess sem hér hefur verið rakið, er þess krafist að tollflokkun tollstjóra verði staðfest.“

Ríkistollanefnd hefur haldið fundi um mál 136 :ynnt sér þau gögn sem lögð hafa verið fram. Deilt er um tollflokkun á fjórum gerðum af þurrkuðum kartöfluréttum frá fyrri til A. Varan inniheldur samkvæmt upplýsingum framleiðanda eftirfarandi efni í magnröð:

B: Þurrkaða kartöflustrimla, lauk, kartöflusterkju, salt, maíssterkju, ýruefni, sykur, þráavarnarefni.

D: Þurrkaðar kartöfluskífur, mjólkursykur, þurrkaðan lauk, kartöflukirni, hveiti, þykkingarefni, salt, grænmetiskraft, krydd, sítrónusýru, ýruefni, fosfat, þráavarnarefni.

E: Þurrkaðar kartöfluskífur, mjólkursykur, þykkingarefni, kartöflukirni, grænmetiskraft, þurrkaðan lauk, salt, krydd, hvítlauk, kryddjurtir, hveiti, sítrónusýru, ýruefni, fosfat, þráavarnarefni.

F: Þurrkaðar kartöfluskífur, þykkingarefni, kartöflukirni, hveiti, ostaduft, jurtaolíu, grænmetiskraft, þurrkaðan lauk, salt, krydd, bragðefni, fosfat, sítrónusýru, sýruefni, fosfat, þráavarnarefni.

Ekki liggja fyrir upplýsingar um magn efnanna aðrar en röðun eftir magni. Ljóst er að allar vörurnar eru kartöfluréttir þar sem kartöflur eru ríkjandi þáttur í samsetningu þeirra og einkenna þær mest.

Nefndarmenn eru sammála um að staðfesta beri hin kærðu álit.